

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška sredstava planiranih u Budžetu Zeničko-dobojskog kantona za 2023. godinu na razdjelu 21 - Ministarstvo zdravstva, budžetska orgnizcija 01, potrošačka jedinica 0001, ekonomski kod 614100 - „Tekući transferi drugim nivoima vlasti“, subanalitika LAX001 - „Tekući transfer za nabavku vakcina“, subanalitika LAX008 - „Tekući transfer za JU Institut za zdravlje i sigurnost hrane Zenica“ i subanalitika LAX012 „Tekući transfer za JU Institut za zdravlje i sigurnost hrane Zenica za istraživanje i razvoj“, broj: 02-11-8309/23 od 19.05.2023. godine, na prijedlog Ministarstva zdravstva, Vlada Zeničko-dobojskog kantona, na 24. sjednici, održanoj dana 15.06.2023. godine,  
d o n o s i

## **ODLUKU**

### **o odobravanju sredstava JU Institut za zdravlje i sigurnost hrane Zenica za nabavku vakcina**

#### **Član 1.**

##### **(Predmet)**

Odobravaju se sredstva JU Institut za zdravlje i sigurnost hrane Zenica u iznosu od 100.000,00 KM (slovima: stohiljada konvertibilnih maraka) za nabavku:

- a) vakcina protiv bjesnila u vrijednosti 24.850,00 KM (slovima: dvadesetčetirihiljade osamstotinapedeset konvertibilnih maraka),
- b) vakcina protiv sezonske gripe u vrijednosti 70.620,00 KM (slovima: sedamdesethiljada šeststotinadvadeset konvertibilnih maraka),
- c) vakcina protiv pneumokoka u vrijednosti 2.470,00 KM (slovima: dvijehiljadečetristotine sedamdeset konvertibilnih maraka) i
- d) vakcina protiv meningokokne bolesti u vrijednosti 2.060.,00 KM (slovima: dvijehiljade šezdeset konvertibilnih maraka).

#### **Član 2.**

##### **(Analitička konta)**

(1) Sredstva iz člana 1. ove odluke isplatit će iz Budžeta Zeničko dobojskog kantona za 2023. godinu („Službene novine Zeničko-dobojskog kantona“, broj: 3/23), sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100, subanalitika LAX 001 - „Tekući transfer za nabavku vakcina“.

(2) Sredstva će se transferisati na transakcijski račun Instituta za zdravlje i sigurnost hrane Zenica broj: 1418010001937146, nakon provedenog postupka javne nabavke u skladu sa Zakonom o javnim nabavkama („Službeni glasnik Bosne i Hercegovine“, broj: 39/14 i 59/22), a u skladu sa zaključenim ugovorom o nabavci.

#### **Član 3.**

##### **(Provođenje Odluke)**

Za provođenje ove odluke zadužuju se Institut za zdravlje i sigurnost hrane Zenica, Ministarstvo zdravstva i Ministarstvo finansija, svako u okviru svoje nadležnosti.

#### **Član 4.**

##### **(Izvršavanje)**

JU Institut za zdravlje i sigurnost hrane Zenica je dužna izvjestiti Ministarstvo zdravstva o namjenskom utrošku sredstava, dostavljanjem faktura, dokaza o uplati sredstava dobavljaču i izvještaja o utrošku vakcina i distribuciji nabavljenih vakcina protiv sezonske gripe domovima zdravlja.

**Član 5.**  
**(Stupanje na snagu)**

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-9845/23

Datum, 15.06.2023. godine

Z e n i c a

**PREMIJER**  
**po ovlaštenju**

***Dženana Čišija***

DOSTAVLJENO:

1x Ministarstvo zdravstva,

1x Ministarstvo finansija,

1x JU Institut za zdravlje i sigurnost hrane Zenica,  
putem Ministarstva,

1x „Službene novine Zeničko-dobojskog kantona“

1x a/a.